

海叟集卷之三

雲間

素

凱景文

著

張所望叔翹校定

五言律詩

送孔提舉航海歸曲阜

宣尼老孫子白晢更長身家世誰能念干戈獨

愛貧未聞興禮樂還似泣麒麟今日乘槎去魚

龍莫惱人

送李高士歸荊州

海貝集 卷之三  
南京高宴罷西土遂言歸江路猶殘雨荆門正  
落暉蓬生仲蔚宅秋入老萊衣明日思君處蕭  
條鴻鴈飛

馬氏西園宴別吳進士善卿

竹陰連水屋荷氣襲池臺南國佳人在西園高  
宴開好風因樹起新月渡河來別後江潭上離  
腸日九迴

懷陶叟

陶叟今何在迢迢江水東瓜田連暮雨荷屋近

秋風本在羲皇上聊遊鹿豕中幾時春夜飲還  
對燭花紅

陪楊廉夫登珠涇法忍寺閣次壁韻

伍子行師日秦皇駐輦辰英雄無處所樓閣自  
天神白鳥晴沙遠雲山錦樹新誰知千載後悽  
愴吊斯人

客中除夜

今夕為何夕他鄉說故鄉看人兒女大為客歲  
年長戎馬無休歇關山正渺茫一杯椒葉酒未



海東集 卷之三 二  
敵淚千行

任氏北園呈席上諸公

春色誰家好名園江上開紅樓連廣陌白水接  
高臺魚畏垂綸去鶯因好樹來高朋方滿座虛  
薄愧多才

采石春望

夜泊青山渚朝登采石磯蜀雪應消盡吳船猶  
未歸五湖花正落三江鶯亂飛同行王主事此  
日亦沾衣

春日偶書

罷官御史府屏迹五湖東江水供魚釣山花費  
酒筒野情方浩蕩高詠極春容猶有春田事還  
尋荷蓀翁

泗州書懷

白髮三吳客清秋泗水邊宦途隨老馬歸夢逐  
風鳶酒盡尋僧舍書來問客船淮南與淮北漂  
泊過年年

自京師歸別墅

春園含薄霧野水散輕陰落絮隨風遠啼鶯坐  
樹深旅懷方自遣幽意待人吟獨少楊雄客時  
時載酒尋

思歸兼簡嚴八

天高風正急鴻鴈傍人飛江外無來使淮南盡  
搗衣悲歌聊當泣遠道亦同歸為報嚴夫子滄  
洲與願違

宴王主簿宅

故人王短簿未老即歸田賓客尊者艾園池有

歲年好花留舞蝶高柳宿啼鶯最愛西亭好時  
時得醉眠

懷王道士

宣城王道士愛着芰荷衣一自清江別三年白  
鴈飛酒徒隨處有沽客向來稀最憶青城夜狂  
歌不肯歸

王山人遠過

聞道神仙侶來尋野客園談玄終未悟對酒且  
忘言接樹朱櫻密緣坡紫筍繁醉餘春水上坐



聽白鷗喧

送張七西上

楚客舟航小吳門  
雨雪繁兵戈方浩蕩  
江海失攀援  
濁酒非能醉  
深交不易言  
明朝空寂寞  
獨對野人園

夜泊鎮耶城

江水春逾濶  
山雲夕更深  
移舟沙樹底  
拄杖古城陰  
鴻鴈攙人去  
蛟龍入夜吟  
故園雙泪眼  
拭斷更沾襟

聞張處士竹林甚盛欲觀未能兼簡王一

秀才

聞道南村竹  
春來接遠坡  
色侵沽酒旆  
聲送濯纓歌  
甚欲敲門看  
須憑拄杖過  
餘陰過西沼  
應覆右軍鷺

陪陳應奉諸公宴馬氏西園

畫樓臨曉日  
青蓋度行雲  
歌吹三春好  
賓朋四海聞  
絮嫌飛燕態  
花妬綠珠裙  
曲誤誰能顧  
周郎思不群

送任李二高士歸越

老去任公子重來李少君  
仙凡初不遠江海自  
離群水遠吳官樹山連  
禹穴雲汀洲有長笛日  
暮不堪聞

遠客

野客頻經雨深村獨閉門  
故人俱落魄稚子共  
朝昏城郭無歸路江湖  
有斷魂夜寒燈燄短鳴  
咽對殘樽

飲馬氏東園

馬良東苑內春色正芳菲  
上客調詩律佳兒試  
舞衣天袂連雨幾鸚鵡  
入簾飛況是多春酒厭  
厭夜不歸

書寓所壁

野水斜連屋秋林正壓床  
把書驚眼暗嗜酒覺  
身狂王伯功名切江湖  
戰鬪忙分明故園路歲  
久欲相忘

賦陶與權雲所二首

豈有從龍意還同野老居  
覆花初冉冉度水亦



徐徐隴上時相逐溪邊或自鋤猶能作霖雨露  
灑及隣墟

其二

斯人肥遯士高卧亦無心野樹留餘潤春花覆  
遠陰近牀衣欲冷拂石坐還深為問陶弘景何  
如隴上吟

懷王生

王生本靜者郡邑少經過家住清江曲春來白  
鳥多親庖餘酒肉官賦入菱荷歲暮還相憶臨

流獨詠歌

春園

春園江水上江霧日昏昏沙暖常垂釣花深不  
閉門小童鋤隴麥野客共盤飡衰老仍耽酒經  
年嬾出門門字韻重疑當作村老杜有嬾慢無  
堪不出村之句素蓋用其語意耳

上巳日飲朱氏叔重東園

東園臨上巳北渚倒清觥門繫山公馬花留子  
晉笙爛羊方飫筋鮮鯉忽調羹不用思歸去猗  
蘭白露生

登浦上閣

高閣春波上登臨獨愴然故鄉從此去久客未  
言還花好誰家屋帆輕何郡船朝來有微雨應  
灑郭西田

題西山璉法師壁

少離身毒國老去任精藍弟子傳燈去山靈入  
座參猿啼雲外樹龍卧石邊潭更欲聞清梵空  
簷下夕嵐

村居懷京下一二友生

罷職非能吏歸田即老農有詩聊度日無字可  
書空白髮將誰念黃糧且自舂故人能問信家  
在五湖東

丙申歲書懷

素書猶在篋白髮忽盈簪空費千金學何嘗一  
稱心呼鷄秋岸遠飲犢夜江深欲問三遷術陶  
朱不可尋

飲錢氏東園錢新內寵

小閣臨春水長堤護石橋龜游潭影動鶴舞竹



陰搖把酒依山樹垂竿入澗毛只今花滿院得似綠珠嬌

贈張鳴善

白帝城中客清秋碧海傍乾坤方洶洶身世獨  
遑遑萬里空形影全家墮渺茫悲歌三百首一  
一斷人腸

贈顏近仁

先生忠孝士况是故侯家南省曾攀桂東陵且  
種瓜舊聞金可革今見玉無瑕老我空奔走因

君復嘆嗟

送李千戶時有海東之役

中國人俱化東夷貢未修聖君能大勇滄海即  
浮漚貌虎當前隊魚龍避上流人言漢飛將今  
日定封侯

寓所即事

沙水寒猶淺江船遠未來舉家憂米粒終日走  
蒿萊骨肉還相棄交游定莫猜癡兒饑困又愛  
父強排桐

寓所寄何彥明

門倚秋沙白窓含野樹黃  
稍能親鴈鷺已覺遠  
射狼舊髮從渠短新詩頗自長  
何郎最知我酒  
孰定能將

立春日飲任氏西園

把劍歸東海開筵近北臺  
千林殘雪盡萬里好  
春回中散調琴坐山翁待酒來  
更須花滿樹爛  
醉卧蒼苔

遊會稽山

山實揚州鎮人逾浙水來  
禹功懸白日秦刻卧  
蒼苔龍起梅梁去神遊石洞開  
明朝有餘興更  
上越王臺

懷張叟

說劍真無匹論文亦有神  
氣高終傲兀頭白更  
漂淪我正思前輩誰當繼  
後塵江南春草綠何  
處問行人

飲田家醉後書王生壁

黠業心逾嬾耕鋤意頗長  
布衣方自卧麟閣聽



渠忙瓜果隣家席詩書野客堂醉餘還講論未  
見野夫狂

泗上書懷

為客山川遠封侯歲月遲後生方爾汝吾輩復  
馳驅豈是逢迎倦深知氣血衰還將歸老意先  
報白鷗知

夜飲陳叟宅

西苑春光好東堂夜色濃捲簾池草碧入座燭  
花紅爛醉誰能禁高歌不自窮於陵陳仲子心

腹最知儂

將帥

將帥多兒戲君王待賊平幾人思報國何處有  
全城未識龍蛇陣頻遭犬彘驚亞夫軍細柳千  
古漢家營

早寒

水鄉寒氣早未暮掩柴扉籬落無人過雞豚各  
自歸老妻薰鼠穴稚子卧牛衣安得盈缸酒深  
杯日日揮

懷京師一二友生

故人千里外野老五湖東  
江水舟航便雲山使  
客通短書何契濶長日未從容  
老眼昏花久因君數斷鴻

京師歸別墅

政拙辭驄馬身閒問綠簑  
此生人共棄長日自行歌  
野圃啼鶯滿春江聞鴨多  
王家酒壚近風雨亦相過

移居

舊屋非吾有新居亦借人  
往來皆是客到處即為隣  
鷄犬遭牽縛妻孥厭苦辛  
長歌燈下影命也復何嗔

挽夏叔明

別去纔三月那知即九泉  
人皆遭世故公獨盡天年  
執紼多名士傳家有象賢  
老夫雙泪眼泣罷更忻然

題朱自明座右銘

有序

居官之道以廉慎為先處衆之方以謙



和為上此禮部尚書秦兼善以書傳濟  
民者

吏治通南海皇綱委重臣贊襄多妙選甄拔到  
斯人禮部箴規切中臺翰墨新豈為銘座右萬  
一可書紳

懷山南村先生

柴桑老孫子清夔獨超群身同鷗鷺侶心躡科  
斗文著書今已就運甓誰能勤素安正高卧歌  
罷復思君

出三江口有懷野人錢衮

處處無歸路悠悠且逝波渚花風外少江樹雨  
中多吹笛蛟龍聽開窻鶴鶴過高人著書手頭  
白共嗟蛇

五言排律

聞誅李羅鐵木兒一首

國步雖微蹇天心自可稽瓜牙翻噬噉宗社欲  
顛擠蔽日朱旗入連郊鐵騎嘶紫垣通鞅鞬玉  
座接鯨鯢聖哲元無惑晨昏且暫携濟河聲杳

香幽薊色婁婁密詔親傳嚴中軍氣欲迷登壇  
惟慷慨撫劔益悲悽敵愾心逾切勤王力自齊  
義聲驅海岳直氣挾雲霓減竈秋烟薄吹笳夜  
月低指揮容草草進退合祈祈忌噐悲忘鼠憂  
苗更惜稊逆徒從翦伐元惡待屠剗肘腋能無  
意神靈况夾批呂侯初受命董卓已然臍雲雨  
蘇煩熱江河濯障隄萬方深慰望九廟實安栖  
天闕歸龍種雲山識馬蹄問安紆玉趾視膳入  
金閨膝下歡仍舊宮中樂未睽清秋多宴會仙

仗日東西宮女花垂鬢都人酒滿脾里問聞笑  
語燈火雜孩提白日依中道青春入故畦遠人  
來服食絕域盡航梯世祖功如在今王敬日躋  
鼎彝銘將相衽席措黔黎淮海休波浪湖湘罷  
鼓鼙既聞誅柙虎莫自學醯鷄桀逆亡身首忠  
賢荷壁珪休同隗囂輩終悞一丸泥

七言律詩

江上書懷

扈瀆城南秋氣高  
駕鶩鴻鴈各求曹  
不眠更識



海東集 卷之三 十四  
匡床穩欲去還思小几牢幾處尺書俱寂寞百  
年雙鬢獨蕭騷秋江欲渡愁難渡風雨龍吟長  
怒濤

次王叔善祀天妃有雪

酒正初傳內府醪南來河伯避行舸百年祀事  
崇邦典半夜神光出海濤花散曉風紛爛熳禮  
成春殿肅清高聖躬端為蒼生禱不比乘槎漢  
使勞

聞笛

花發吳松江上村隔花吹笛正黃昏風塵遠道  
歸何日燈火高樓合斷魂夜靜幾家無別泪雨  
聲終日過閑門天邊楊柳今無數短葉長條非  
故園

次趙法師過全秀才隱居二首

趙陸本  
作圭

墟里人家烟靄深背岡茅屋自陰陰不愁逸竹  
妨嘉實自愛繁枝集衆禽田父耰鋤時得借漁  
人舟楫莫相尋舊聞鷄犬桃源裏彷彿溪邊花  
樹林

幽人讀書黃浦上蕭條茅屋倚高岡霜霑木葉  
深深赤潮雜溪流混混黃傍舍杯盤多芋栗秋  
園門巷亦馨香為語當時仲長統輸君清曠自  
徜徉

江上送高文起夫分韻得暮字

青春送客黃家渡千里汀洲帶芳樹煙中歷歷  
白鳥來日晏翩翩綵舟去主人置酒江上屋遠  
客哦詩水邊路明朝花落更思君海東月上青  
山莫

扈瀆龍王廟晚眺

扈瀆高城今已殘獨餘木葉灑驚湍風雲浩蕩  
時將暮江水蕭條龍亦蟠千里吳鄉多戰伐孤  
舟蜀客轉饑寒敝裘涕淚兼新舊終日思家敢  
怨歎

望南村二首

南村烟樹接蒹葭白鷺翩翩滿白沙此地遂成  
茅屋計何人更識老夫家即開斷壠行新竹便  
接平皋樹雜花戎馬紛紛終未已此身汎汎獨



長嗟

野水縱橫不計源雜花先後自成園魚蝦欲上  
人人取鳥鵲歸來處處喧但得茅茨容老大即  
將耕鑿付兒孫淮南未定江南亂潦倒無歸却  
斷魂

次楊廉夫先輩韻

吹笛春江烟霧稀幽芳小草總相依巫峽寧知  
雲雨夢滄洲欲試芰荷衣花間鸛鶴迎人起波  
上魚龍挾棹飛不似南州庾開府鄉關頭白苦

思歸

秋晚東海寓舍

落葉寒蟬小巷深枯藤斜日半墻陰讀書稚子  
當軒坐為客衰翁倚杖吟滄海未知終老計白  
頭難忘故園心敝裘零落餘雙袖清泪年來似  
不禁

沙邊

沙邊細路少人行只有閒花樹樹明水閣經春  
塵自滿風簾終日鳥爭鳴躬耕豈願將軍顧肥

海叟集 卷之三  
遊聊成處士名白鷺晴烟滿平野老夫於此最  
關情

喜洪山人恕復至

煙巷鷄鳴曙色開秋林鵲噪遠人回老夫自掃  
風前葉稚子兼鋤雨後苔近市酒漿渾易得傍  
溪魚鱗亦須來鷗邊野水明如鏡更坐寒山共  
一杯

亂後貽溪上一二同志

莫道閑居野老貧秋園事事可憐人隔溪霜柿

紅於火出水寒魚白勝銀莫為草茅堆積久只  
令兒子掃除頻碁局茶甌總無恙底須相棄不  
相親

飲謝氏東園

謝氏池臺多好春風簾水檻不凝塵千鍾綠酒  
能留客滿樹黃鸝更可人蝶翅乍驚歌扇遠柳  
花輕觸舞衣頻醉餘蕩槳城東去正值南湖月  
色新

池上書懷



野水寒冰上曲池薄雲斜日下疎籬黃蒿處處  
迷歸路滄海年年少故知北望朝廷非昔日東  
來兒女更依誰老年拄杖猶無力况是饑寒氣  
血衰

雨後西園即事

雨後秋園首菊紅水邊秔稻亦茫茫老夫衰憊  
知無用兒子耕耘已有功盡室盤飧惟仗汝暮  
年家事莫煩公勲業文章等虛妄杖藜濁酒任  
西東

張叔溫諸公携酒至泖濱明日作此奉謝  
八月風高鴻鴈飛三江潮落鱗螯肥已拚白髮  
如秋水未厭清尊共夕暉氛侵遠連豺虎窟波  
濤晴晃芰荷衣楊雄舊宅城東任騎馬歸來月  
滿扉

觀王生所藏王維畫

右丞小景樹參差我有林塘實似之日日欲歸  
還躑躅時時借看解愁思恨無黃鵠高飛去獨  
柰沙鷗靜不移明日江頭候春水典衣沽酒待

篙師

大雨書寓所壁二首

五月六月雨綿綿東望黃浦水連天小溪漫漫  
不可渡高岸兀兀何由全家童種荷已穿壁野  
老捕魚還滿船南隣少婦亦可惡濁酒盈缸須  
見錢

濕雲密密覆高軒濁流滔滔注滿園一雙白鳥  
當窻下無數黃蜂入戶喧親朋何由致音問道  
路已絕無板援野瓜新菜最稱意引蔓開花滿

敗垣

次廣西省朱郎中熙見寄韻二首

萬里蒼梧入望長薇垣新治日馨香已知南去  
無鴉獍更擬西郊聽鳳凰談笑定應多暇日羈  
縻况復有成章幙中還試鍾王帖書遍闌干葉  
上霜

衡陽南去與天長荔子紅椒處處香明月關門  
無虎豹清風臺閣有鸞鳳包茅已入皆三節卉  
服新成有九章幙下文書自稀少醉餘崖蜜嚼



紅霜

姚性存將歸鶴沙以詩見別次其韻

十年避地誰知我此日看君自可人空谷正思  
駒皎皎清溪還度石磷磷韓公住處皆荒服區  
冊歸時及早春聞道沙邊風俗好老夫東望欲  
為隣

京師歸至丹陽逢侯生大醉

白下西風吹夜涼五湖秋草動微霜千家砧杵  
多凌亂獨客關山正渺茫歸去定應殘臘盡飄

零猶幸此身強丹陽郭裏盈樽酒且為侯芭發  
醉狂

歸來

淮甸西風送客歸江潭落木正飛飛屋邊鸛鶴  
鳴高堙道上狐狸咲敝衣濯足每嫌秋岸冷攤  
書還趁夕光微倦游季子真相似獨有賢妻肯  
下機

郭外寄王錄事

白鷗黃鳥弄春聲綠樹清波稱晚晴何用城中

走塵土只消江上過清明深村濁酒還堪醉野  
老狂歌亦有情寄語東門王錄事底須辛苦過  
平生

送曹新民歸東州

十年西浙曳長裾千里東歸指舊廬原上鵲鴿  
終有托旅中羸博近何如朝廷未擬申公使弟  
子猶傳伏勝書江草江花總無限為君今日重  
嗟吁

賦綠珠得車字

綠珠初嫁石崇家細馬輕駝七寶車已用明珠  
為奩篋更輸白璧教琵琶日日東樓傾美酒朝  
朝西苑看名花只為恩深不相棄還將玉體委  
塵沙

陶宅務大使謝廷蘭高州大族也暮年客  
中得子索詩故賦此

南來萬里不勝勞此日添丁氣自豪庾信甘查  
方自喜竇家丹桂未為高麒麟親送千年瑞鸞  
鷲初生五色毛為語東歸老都尉他年天子召



枚臯

賦黃葉漁村

陸本無葉字

澤國西風霜樹多  
蕭條茅屋倚江波  
家人酒饌兼蝦菜  
野老衣裳雜芰荷  
東海任公時問信  
滄浪孺子亦來歌  
白鷗亦有忘機意  
清影相看柰爾何

懷曾彥魯

不見曾公白髮侵  
酒杯甚局最關心  
年華冉冉情何限  
江海悠悠水正深  
欲買小舟隨鴈去  
便

從幽壑聽龍吟

陸本註云聞其恒往來龍井

明年春滿長洲

苑拄杖穿花處處尋

過黃耳墓有感

陸士衡在洛被禍時寄書犬也墓在華亭南

黃耳墓前春日遲  
柳條花萼正參差  
豪華已逐浮雲去  
異物猶令後代思  
顧養有恩終不背  
交游何事獨相欺  
春風綠酒人皆醉  
落日孤舟自詠詩

京師懷吳中黃道士

吳下黃師我所憐  
江湖離別又三年  
家貧似為

沈氏集 卷之三  
耽詩句世亂誰能與酒錢溪上瓜田應蔓草沙  
邊茅屋正風顛稍待東南春水綠老夫書札寄  
吳船

北山雨望丙申三月一日時張士誠據吳  
凍雨蕭條江上來隨風沾灑氣幽哉陸機茅屋  
終難任伍相祠堂亦可哀獨客飄飄何處去孤  
帆寂寂幾時回竹枝聲斷滄江暮短髮無辜獨  
受催

陪貢先生東山樂飲

蘭亭修禊會群才此日東山亦快哉詩思正隨  
黃鵠去酒懷忽傍白鷗來坐逢細草身偏穩行  
近濃華眼自開日暮前村騎馬去兒童都道習  
池回

賦梅花清夢二首

江頭隴畔忽經行萬籟銷沉月滿庭琪樹園林  
春漠漠水晶宮闕夜冥冥只愁瑞鳳驚飛去未  
信隣鷄喚得醒猶似芙蓉池畔客偶然相值兩  
浮萍



漠漠梨雲凍不飛夜深那得到重闌初疑海上  
三珠樹未悟江南萬玉妃瑞鳳欲飛風細細隣  
雞未動月輝輝更隨弱水東流去遊遍三山夜  
不歸

春日溪上書懷

丙申歲作

溶溶春水雜蒹葭嫋嫋晴風度落花小巷幾時  
佳客至新詩獨向野人誇未聞汗馬收諸國且  
逐閑鷗坐淺沙春色酒盃俱在眼底須辛苦欲  
還家

詠溪上所栽桃

桃樹移栽近淺沙呼兒插竹護歌斜秋來擬喫  
垂垂實春到還看灼灼花旋置酒旗深處掛更  
將漁艇密邊遮老夫未是文章手故少新詩對  
客誇

江上早秋

丙申歲作

靡靡菰蒲已滿陂菱花菱葉更參差即從景物  
看身世却恠飄零在歲時得食野鷗爭去遠避  
風江鶴獨歸遲干戈此日連秋色頭白猶多宋

海見集 卷之三 玉悲

兵後大醉陶與權宅

丙申九日

酒到愁腸味自醇  
花因白髮更精神  
兒童休笑燈前舞  
老子今存死後身  
何處江湖為樂土  
誰家門戶有閑人  
多情獨有陶徵士  
醉過清秋不厭頻

寓所一首

丁酉二月

草閣開亭春水邊  
雨蒲風柳自紛然  
隣翁對客還爭席  
水鳥依人欲上船  
西北朝廷無使節  
東

南城郭有烽煙  
老夫避地非游說  
正少蘇家二頃田

秋日海上書懷

丁酉歲作

寡妹城西消息稀  
老夫漂泊幾時歸  
朝廷計議知何意  
丞相征行事已非  
東去鯨鯢方作橫  
南飛烏鵲正無依  
可憐白髮孤村裏  
終日哀哀賦式微

十年不見鶴鷺軍  
千里猶殘犬豕群  
涕泪每從天際老  
檄書誰到日邊聞  
荆蠻戰克心猶忍  
淮



寇平來地已分莫恠腐儒東海上時時哀怨動  
秋雲

舟次上海縣

海上驚風亂鶴飛千村霜露亦霏霏清砧自是  
逢秋起白骨何由遠道歸戈甲只殘螻蟻命江  
山終屬虎狼威自憐此日身將老况復中宵泪  
滿衣

浦上寓所一首

我有茅堂南浦濤回岡千尺晝陰陰繁花映帶

墟煙密蒨竹留連海氣深寂寂軒窗惟鳥下蕭  
蕭風雨亦龍吟東家野老猶淳朴酒熟瓜香數  
見尋

橫溪寓所一首

高林深竹氣冥冥野色波光更滿汀草閣雨晴  
鳴翡翠花畦風暖入蜻蜓書成已與山公絕賦  
就惟教阿買聽猶未忘情是杯酒尚煩隣里致  
盆瓶

獨坐荒園

海東集 卷之三  
獨坐荒園生事微  
幽幽門巷總煙霏  
家人問米侵晨去  
童子將薪薄暮歸  
肉味敢忘三月久  
鄉情獨與寸心違  
只道年來雙鬢改  
寧知多病不勝衣

寄題馬氏草堂兼簡黃二秀才

江上草堂風物幽  
江花紅白滿汀洲  
鳴鳩呼婦

東西去麋鹿將兒遠  
近遊已有軒窗成  
晚趣

陸本 註云草堂有晚趣軒  
更無舟楫散春愁  
東林早晚櫻桃熟

應與黃香數勸酬

追次林太守孟善韻林乃某之舉主

大君開國配皇天  
五馬東來爾獨賢  
龔遂化行能賣劍  
姚崇遺愛合留鞭  
生芻未擬登門日  
白髮空悲薦剡年  
當代何人似班馬  
欲書循吏與流傳

浦上木芙蓉盛開約黃鶴山人共觀

江浦芙蓉色正深  
清霜點染更沉沉  
孤舟向日曾親見  
短褐于今欲遠尋  
已擬携樽同野客  
不妨展席對沙禽  
明年臂痛應全愈  
移遍東園野



木陰

江上櫻桃甚盛而予寓所無有忽蘇城友人惠一大合故賦此

野店荒蹊紅滿枝暖煙微雨共離披忽思西蜀  
勻圓顆正值東吳遠送時老子細看方自訝兒  
童驚喜欲成癡拾遺門下曾沾賜此日飄蓬也  
賦詩

荷花

野茨秋菰共一陂水禽沙鳥最相知濃香浩浩

無人問瘦影蕭蕭只自危歲晏苦心終寂寞夜  
深清淚獨淋漓渚宮更擬襄王看猶恐雄風作  
陣吹

久雨後寓所一首

荒村處處聞流水草閣時時半掩扉半陸本庭  
樹葉深沙鳥宿宿陸本野藤花退蜜蜂稀只將  
書劍消長夏更倚漁舟送落暉倚陸本天意未  
教戎馬息老夫漂泊敢言歸

得馬叟書作此遠寄

洛陽馬叟世稱賢童稚相看四十年只道詩名  
傳字內寧知酒債滿江邊蓬蒿久沒揚雄宅鰕  
菜聊隨范蠡船此日將書付歸鴈不知清泪濕

吳箋

知陸本  
作勝

壬寅九日

野老園籬江水東溥溥夕露滿幽業已教短髮  
從天白未厭秋花特地紅身世只今惟仗酒安  
危從此不關儂神交賴有陶徵士避地休官意  
頗同

過楊右丞墓

鐵騎千群下九江將軍才氣古無雙欲傾淮海  
鯨鯢窟盡說東南禮義邦關羽不防吳寇入費  
禕終惑魏人降腐儒憂國思家淚獨向西風灑  
石缸

寄南臺掾朱自明時初復役

世祖行臺列俊賢掾郎家世本儒先一時人物  
青雲上十道風霜白晝前最愛群公交薦日正  
逢天子中興年腐儒饑餓干戈際欲買山陰雪



後船

登愍忠閣

唐家高閣古城隈  
遠客登臨宿霧開  
諸帝園陵俱寂寞  
三韓魂魄尚歸來  
西山雲氣空中度  
東海潮音地底回  
聞說關河有戎馬  
故園南望獨徘徊

清明獨坐

花柳千家郭外村  
老夫官屋近荒園  
晴林渺渺浮雲氣  
細草油油疊浪痕  
川上盡船爭載酒  
煙

中長笛自銷魂  
暮年况復追遊倦  
落日泥墻獨閉門

書寓所西齋二首

繁杏夭桃碧井西  
牽牛天棘故相迷  
遂令錦雉將雛雛  
復有黃鸝作隊啼  
地遠豈知時事改  
身閑直與野人齊  
塘坳來往誰能見  
只有兒童識杖藜

西齋春樹日陰陰  
下有飛花一尺深  
幽意未容他處勝  
新詩只向此中吟  
隣翁小圃春相接  
漁

海叟集 卷之三  
父扁舟晚更尋歸去故園應念此他時懷抱亦  
難禁

登虎溪閣

秋深時節雨霏霏獨坐江樓看鴈飛烟火數家  
山郭晚蓬檣幾處野航歸謀生計畫人皆咲投  
老鄉關事已非聞道淮南新易將江湖此日欲

霑衣

欲陸本  
作亦

冶城山晚眺

百尺孤亭落照間六朝遺迹草班班繁華有限

英雄去江水無窮鷗鷺閑商女晚來猶自唱行  
人春盡不知還故園遙在三江外煙樹微茫獨  
倚闌

白燕

故園飄零事已非舊時王謝見應稀月明漢水  
初無影

漢陸本  
作相

雪滿梁園尚未歸柳絮池塘香

入夢梨花庭院冷侵衣趙家姊妹多相忌莫向  
昭陽殿裏飛

附時大本和



春社年年帶雪歸海棠庭院月爭輝珠簾十  
二中間捲玉剪一雙高下飛天下公侯誇紫  
頷國中儔侶尚烏衣江湖多少閑鷗鷺宜與  
同盟伴釣磯

春日溪上偶書

白髮何煩試鵝冠清江久欲把漁竿涓涓濁酒  
須成醉媁媁晴花已倦看不忍燕鶯頻往復且  
留鷗鷺與盤桓東家野老渾知我日日相過却  
自歡

次方明謙指揮海上築城韻二首

城堞遙連北斗斜島夷從此識中華諸侯幕府  
多春酒上將歌謠雜暮笳別去幾時還下榻興  
來何日欲乘槎為報安期頭白盡更煩重覓棗  
如瓜

旗影翩翩整復斜中天星月動光華千群貔虎  
方屯戍萬里魚龍聽鼓笳聖主自多開國老小  
夷休恃上天槎却煩上將頻思念時問東門二  
畝瓜

野航為范子俊賦

一舸夷猶野水邊  
渚禽沙鳥各紛然  
幽花滿棹初維岸  
春水連隄忽上天  
世上風波終未已  
江南烟雨正堪眠  
他日匏尊留我飲  
更憑孤鶴問坡仙

鏡中梅

的的孤芳野水濱  
折來應是晚粧人  
瑤池風暖香初散  
銀漢春回跡未真  
奔月定知猶有影  
凌波却喜不生塵  
綠毛么鳳無栖處  
來往蘭房不

厭頻

飲任氏西園大醉呈諸公

公子西園花最多  
花邊展席每經過  
清芳到手休輕折  
白髮欺人可柰何  
爾貴我榮君莫問  
鶯兒燕子總能歌  
醉後不愁歸路晚  
亭亭月色滿江波

寄田官馬錄判

馬卿離別又三秋  
行李蕭條古蘄州  
秔稻熟時多有賜  
蒲萄醉後却無愁  
春風白鴈雲邊去  
落



日黃河天際流囊裡新詩三百首還能遠寄海  
東頭

偕黃叔明王元吉錢伯雲張夢辰金彥振  
元夕觀燈會於蕭塘隱居景元舉酒屬  
客曰七人四百九十歲為首句以燈字  
為韻予賦此時洪武乙丑也

七人四百九十歲吳家堂上看花燈皓首龐眉  
方滿座金盃玉碗出清冰三寸黃柑渾似蜜百  
壺春酒况如澗今日相逢總知己老夫歡喜欲

飛騰

海叟集卷之三終

海叟集

卷之三

廿五

海叟集卷之三

海叟集卷之四

雲間

素

凱景文

著

張所望叔翹校定

五言絕句

京師得家書

江水一千里家書十五行行行無別語只道早還鄉

寄家書

白髮時時異青山處處同人行千里外書到五



湖東

龍江夜行

細雨滿江頭  
孤蓬夜未休  
歸心與烟浪  
相逐下揚州

江上二首

野屋藏春樹  
江堤倚暮花  
買魚留楚客  
沽酒問吳娃

日暮江風急  
江花水上飛  
吳船三十丈  
載得錦雲歸

因何彥明賦八新效其體

新烟

舊堤初冉冉  
渡水尚遲遲  
一樹梨花色  
猶能似舊時

新水

柳外朝朝雨  
平添過舊痕  
往時桃葉渡  
今日更銷魂

新燕

乍拂芳池遠  
還窺繡幕重  
莫將花片蹴  
飛舞滿

海東集 卷之四  
筵中

新草

水邊春尚淺沙際葉纔穿拾翠雙雙女迢迢度  
碧烟

新鶯

芳樹何年到西園夢裏驚不須重聽汝只是舊  
時聲

新柳

淺色初含雨輕陰未過池黃昏盡樓畔景是斷

鵬時

新蝶

怯露依芳蕙驚風入繡幃莫將羅扇撲更待滿  
園飛

新月

既從碧雲上復傍綺窗移願得長如此教人學  
畫眉

絕句五首

門外青青草今年更覺深前時玉釵墜侍婢不



能尋

羊車行樂處歌吹隔蕭牆賴有隣房女時來說

故鄉

月落長門去千門夜色濃夢間無限樂不道在

宮中

春衣裁剪罷密葉間穠花縫到鴛鴦處行行線

脚斜

海內雖無事朝中有諫書大家猶未省不敢候

羊車

寄王九秀才

夫子久不見生涯今若何惟應江水上日日採

菱荷

詠馬九首

生長月支國何年入漢疆猶懷水草意嬾逐左

賢王

將軍皆衛霍不復見韓彭馳騁沙場日時時意

不平

玉汗通身濕牽來陣陣香曾騎妃子宴疑是荔

枝漿

穆王乘八駿此骨獨超群繫向蟠桃樹飛花散  
滿身

雪落天山夜風吹瀚海乾駑駘俱凍死此骨獨  
禁寒

秦政無靈氣漢武非仙才當時若遇此一直上  
蓬萊

鞭策相驅急身心不自持每當艱險地有巧不  
能施

荒郊還獨卧泪眼幾曾開歷歷經行路時時入  
夢來

老眼幾曾開荒郊獨往來誰能飽芻菽猶勝策  
駑駘

六言絕句

江上二首

北固城頭晚眺西津渡口烟波白髮人人自老  
青山處處還多

山下旌旗閃閃江邊楊柳依依騎馬將軍遠戍



吹簫漁翁醉歸

淮安道中

山陽城中細雨廣陵堤上飛花  
估客時時吹笛  
行人處處思家

郊居三首

西舍槽頭溜溜南園鳥弄關關  
數觥香醪獨酌  
一樹梨花半殘

日轉花陰傍戶雨餘山色沿堤  
一雙蝴蝶對舞  
幾箇鶯兒亂啼

荒園處處閑步小閣時時燕居  
阮籍惟思飲酒  
嵇康最嬾讀書

醉歸

北渚看花起早東隣醉酒歸遲  
為問臺中官馬  
別來幾許人騎

閑步二首

春園偶爾獨徃晚徑蕭然自還  
芳草煙中冉冉  
落花風外班班

半兩半晴天氣半開半落山花  
半醉半醒遊客

半村半郭人家

七言絕句

題趙王夜宴圖

玉戶金缸夜未央  
邯鄲宮裏奏絲簧  
鄭姬已醉韓姬倦  
誰拂君王白象床

題吳王內涼圖

微月斜侵響屨廊  
芙蓉清氣滿金塘  
鴛鴦只傍闌干宿  
也愛君王水殿涼

題吳宮衰柳圖

遠岸依依落日明  
吳王醉處少人行  
多情獨有垂楊樹  
猶送深宮夜雨聲

遣懷

白髮三江一腐儒  
長年耽酒不耽書  
偶逢世亂無生計  
落日烟中自把鋤

日莫即事

茅屋秋來破不勝  
野雲沙樹自層層  
老夫生理全拋廢  
日日江潭去採菱

送王生還吳中



陸機宅畔送王紳泰伯祠西覲二親他日得書  
報知已東門還憶種瓜人

訪張道士題壁

道士門前春日溫千重碧草睡鸞群山風忽送  
桃花雨濕遍床頭白練裙

歸來

京國歸來老更窮短衣蕭瑟怕秋風不知饑餓  
填溝壑日日吟哦江水東

淮東逢張十二信

少年追逐共西東吳邁文章馬亮夸一自干戈  
零落盡白頭淮海獨相逢

寄錢彥德

故人別我山東去千里長淮復大河此日題詩  
付兒子白頭清淚不勝多

灌園

荒陂渺渺接連筒蔥葉青青芥葉紅不道虞卿  
著書手白頭衣食野人同

題張子正雪山圖

西嶺千秋凍不消人家窓戶總瓊瑤不知海上  
張公子曾過成都萬里橋

口號一首

丁酉歲作

白沙鄉裡今年熟清酒家家味頗醇明日杖藜  
行處醉只愁勦睡惱比隣

杜彥清携班竹簫作數聲賦此以贈

杜家兄弟我相知兄既云亡弟亦衰留得瀟湘  
江上竹夜深持向月中吹

蒼梧魂去已難招帝子臨江雪未消白髮伶倫

多古調令人從此憶前韶

送王御史東海監散竈丁工本

王郎五月赴監亭十丈官船酒滿瓶稍待涼風  
吹木葉老夫東下看滄溟

贈歌舞女童

漳河女子薦良童名在先朝樂部中記得教坊  
新隊子江南江北舞春風

已未九日對菊大醉戲作四首

老夫愛此黃金盞兒子須將白酒賒直到殘陽



下天去更添燈火照歌斜  
 遮莫隣家酒已無教兒更往遠村沽老夫強健  
 如平日醉過三更不要扶  
 只今何處無黃菊醉看茅茨有幾人賢婦稍能  
 知此意殺鷄為黍莫辭貧  
 縱道今年杼軸貧乃翁才力不超群明朝若賣  
 長門賦還爾黃金一百斤

江上舟中聞笛

誰家吹笛倚江樓江上行人夜未休獨有思家

兩行泪為君揮洒下揚州

陪鄭德明倪元鎮遊天屏山四首

官河春水綠悠悠水上人家盡畫樓買取吳娃  
 三日酒放船直到百花洲

高臺千尺對層巒只許吳王醉裡看山色不隨  
 勾踐去遊人還得倚闌干

鄭監風流老不衰倪寬頭白更應痴吳越英雄  
 已泥土欲從江海問西施

百花洲上百花開花是吳王舊日栽吳王去後

無消息歲歲看花人自來

醉後口號二首

新書欲獻帝王家柰此家貧道路賒醉卧江村  
風雪裏時時自比賈長沙

誰人更識賈長沙老作江南百姓家但使瓶中  
有春酒不勞慟哭與長嗟

竹枝歌江上看花作

吳淞江上好春風水上花枝處處同得似鴛鴦  
與鷓鴣時時來往錦雲中

水上花枝日日開行人頭白不能來請看門外  
東流水流向滄溟更不回

江水東流更不回行人白髮苦相催只恐明朝  
風雨惡夜深燒燭亦須來

千株雲錦照江沙沙上青旗賣酒家莫恠狂夫  
狂得微吳姬玉手好琵琶

吳姬玉手好琵琶少小聲名到處誇但使主人  
能愛客年年來此看江花

江花紅白最堪憐莫惜看花費酒錢他時白髮



海東集 卷之四  
三千丈縱使頻來不少年  
黃家渡西多好春黃家渡上酒能醇看花喫酒  
唱歌去如此風流有幾人  
寒食清明正好春看花須着少年人年少看花  
花自喜白髮看花花亦嗔  
淞江水碧碧於天水上行人坐畫船記得吳兒  
竹枝調為君高唱百花前  
日日花前金叵羅百年能得幾經過花開花謝  
人還老狂客狂吟莫厭多

寄語看花江上人清明時節好來頻清明節後  
多風雨風雨顛狂惱殺人

風雨宿蕭山

東來山郭晚秋時白酒黃柑興不衰欲倩山陰  
王逸少為書風雨渡江詩

送賀九成歸浙東兼簡王若水

賀老秋來憶鑑湖荷花楊柳正扶疎西過錢塘  
見王宰東門今少種瓜圖

瓜步夜泊

千里長江雨乍晴江頭燈火夜深明為報高樓  
莫吹笛故園東望不勝情

揚州逢李十二衍二首

與子相逢俱少年東吳城郭酒如川如今白髮  
知多少風雨揚州共被眠

最憶東家水調聲花前檀板雜流鶯此時我醉  
君猶醒舞到梧桐白露生

題老蛟化江叟吹笛圖

吳頭楚尾老髯翁千里烟波有故宮日暮江亭

不歸去猶將玉笛倚秋風

附顧祿和韻

千里神龍化作翁月明吹笛倚龍宮曲聲不  
許人間聽散入重湖半夜風

閑題

相如真是小人儒只解人前賦子虛負郭薄田  
三十畝文君何用自當壚

城西送鄧生二首

千山風雪正霏霏君去金陵幾日歸鳳凰臺上



還吹笛東望滄溟泪滿衣  
東望滄溟涕泗垂閨中少婦亦霑衣他時若有  
相思字只寄春江燕子歸

夜至瓜州

瓜洲人家燈火微瓜洲陂上行人稀敲門買得  
雙清酒艇在西陵逆浪歸

寄謝蔡道士惠山水障

荆門道士蔡崑丘筆底丹青似虎頭寄我江南  
山水障令人日夜憶滄洲

費夫人

宮軍應賊着紅巾苗獠來時更不仁若道南州  
無節婦請看東海費夫人

楊員外

群盜南奔日月昏諸公巨節不須論白頭唯有  
楊員外不負從來天子恩

寄錢德仁錢士修二國錄兼簡王司業

錢翁父子教成均文筆誰當繼後塵若見青龍  
老司業還提江海釣魚人

朝天宮觀方道士所畫三山圖三首

東流弱水不勝塵漢武樓臺空自陳欲借橫江  
孤鶴去須憑南嶽魏夫人

巨魚出沒浪波腥東望三山路杳冥安得秦皇  
射蛟手為操強弩下滄溟

方壺少小學為仙筆底三山豈偶然見說麻姑  
頭總白不知何用得長年

寄三江王六秀才

滄洲荷屋晚秋時橘袖青黃滿戶垂安得扁舟

趙漸去醉看江雨散輕絲

溪上諸友謂予終日酣醉寄此見意

好酒揚雄鬢已星案頭空有太玄經只道人來  
問竒字寧知門外草長青

調馬益之

水邊欄檻早涼天荷葉荷花盡可憐安得人如  
趙飛燕夜深燒燭舞翩躚

調鄭老

鄭老曾為前代官江湖相見獨饑寒不道夜深



霜露重猶將玉笛倚闌干

送鄭老歸襄陽二首

春風回首古檀溪老子茅茨溪水西鳳凰臺上  
還相憶烟浪無窮碧樹低

我愛襄陽老鄭虔高樓吹笛動秋烟他時若有  
平安信即寄江東估客船

南京口號六首

君王觀闕倚天開盡出金山後壯哉率土再瞻  
龍虎氣高臺還見鳳凰來

聖帝明王德業尊親為清廟國西門皇心自足  
超前古况復貽謀及後昆

放牛歸馬淨塵埃地比天南道路開火鷄馴象  
時時貢不數周家白雉來

南夷潭水渥洼注幻出龍駒玉雪身咲殺公孫  
井蛙耳天生神物特真人

春雨初晴霽色開天街風雨少塵埃白面郎官  
調御馬雙雙騎過千門來

駕出東華正好春山中草木更精神揚雄老去

才情減羞見新來獻賦人

即事二首

洛陽大賈愛名姬富樂園中飲酒歸千步長廊  
好騎馬不愁春雨夜露衣

天街酒好不須言絃管春風處處喧舊傳北地  
鳴珂巷得似南京富樂園

寄北山明上人

明公持律太精嚴一住空山歲月淹聞道新年  
結蓮社還能沽酒引陶潛

重過黃渡有感

馬家宅畔無喬木徐氏門前芳草多留得白頭  
漁父在年年長笛響滄波

題西巖精舍

西巖流水夜泠泠流出松根見茯苓八十老僧  
忘世慮閒將佛法教山精

紅梅

江上千株雪未消別來渾似董嬌嬈揚州何遜  
頭先白柰此春雲亂眼飄



徐子厚宅賞牡丹

巨室高門今已非當時臺榭總烟霏獨有徐家  
後園裡金盃玉枕待人歸  
名花朵朵擁雕簷畫燭雙雙出繡簾最是主人  
能愛客高堂春酒夜厭厭

石頭城晚望

落日依依下石頭亂雲東望是蘇州人間何似  
歸心切獨有春江不斷流

觀沙鷗

門外群鷗我所知終朝相見不相疑借爾橋東  
楊柳岸明年春日更添兒

江上寄嚴八

一春不見嚴夫子底事城中不肯還門外白鷗  
三萬箇幾時相對綠波間

江上寄書

湘南估客發西津東入姑蘇花正春獨有相思  
數行字欲從江海問情人

醉書壁

芙蓉花開滿高岸還如杜老蜀江邊田夫野客  
頻來看白酒黃鷄不用錢

淮西夜坐

蕭蕭風雨滿關河酒盡西樓聽鴈過莫怪行人  
頭白盡異鄉秋色不勝多

李陵泣別圖

上林木落鴈南飛萬里蕭條使節歸猶有交情  
兩行泪西風吹上漢臣衣

題龍江酒家二首

金陵美酒玉光浮父老相傳最解愁安得身無  
官府事長年高卧竺家樓

江上青旗映白沙壚頭美酒玉無瑕李白當年  
曾醉此槐花落盡不思家

登閣

木落淮南秋色空閒登高閣送歸鴻白頭老婦  
痴兒女盡在蕭條望眼中

客中夜坐

落葉蕭蕭淮水長故園歸路更微茫一聲新鴈



三更雨何處行人不斷腸

賦得西施

當時生長苧蘿村山色無光水亦渾  
勾踐得時方自喜吳王見後即銷魂

憶南湖二首

我憶南湖春酒香百錢亦可解愁腸  
湖頭白藕猶堪愛正似佳人玉臂長

南湖沈叟愛吟詩詩似當年杜牧之一  
自干戈不相見令人雙鬢欲成絲

浦口竹枝

浦口荷花生紫烟花時日日醉沙邊  
更將荷葉包魚鱗老死江南不怨天

村園露坐

暑氣銷沉夜氣濃倚天秋樹細含風  
誰家白鶴三千隻飛過先生草屋東

調王生

門外槐花落漸多一雙新燕又來過  
寄語城東王貢士今年春酒味如何

題妓展僧僧像

陸本止第二首  
題云寄歌齋

不見秋娘今幾年  
水光山色自悠然  
月明樓上天如水  
猶憶梁州第四絃  
不見歌齋心自苦  
金陵又復向金華  
茫茫春草兼春水  
腸斷東風日易斜

寄顧文昭

最憶顧家池  
水湄千株苔石坐  
題詩如今又是  
三年別  
白髮蕭蕭只怕垂

過潯陽

夜泊潯陽江上  
沙扁舟何處載琵琶  
西風不管水流去  
依舊滿汀開荻花

諸公携酒蘇臺餞  
別醉歸海上作此奉謝  
吳王洲上百花開  
花下人人勸酒杯  
醉卧春江三百里  
不知月過海門來

聞山東消息三首

王事私恩不共天  
益都城下枕戈眠  
鯨鯢戮盡為京觀  
孝子忠臣億萬年  
縱道山東柱石傾  
華夷黎庶不須驚  
張皇國勢



海叟集 卷之四  
十一  
如平日詹事新來總父兵  
從今父老不須悲詹事英名四海知漢室中興  
吳楚破條侯元是絳侯兒

江上逢鄭老

鄭老形容今已衰江頭相見涕漣洏自說琴書  
零落盡獨餘吹笛似桓伊

登閣追憶北山張道士

閒登高閣看春雨忽憶空山聽暮鐘道士已隨  
黃鶴去北山依舊白雲封

海叟集卷之四終

題海叟集後

海叟集舊有刻又別有選行在野集者暇日因  
與李獻吉員外共讀之又剛次為今集云先生  
多權竒有才辨雅善談諢卒亦以此自免於難  
顧其詩乃雅重悲壯渾雄沉鬱殊不類豈先生  
別出其餘以應世而中之所有固自不可測耶  
深先生鄉人也恨相去遠無從考論姑誦其詩  
以附孟氏私淑之義云

陸深



是編為海叟手定全集 國初刻于張氏者久  
燬陸公儼山因編次為別本蓋急于流布也世  
所傳在野集者中多朱張二公以己意更竄如  
烟樹微茫獨倚闌改為烟樹微茫夢裡山故國  
飄零事已非改為老去悲秋不自知蓋淺于知  
叟者矣然郡中作者代起而鮮知叟何耶其富  
有力者又多纖嗇無暇為前輩表章風雅每與  
西谷張君論及深有感焉因出視此編漫識其  
實如此嘉靖甲子春郡人董宜陽書

素海叟詩集四卷乃叟手自編定者也叟生於  
勝國避亂家居 洪武初辟為御史尋謝病免  
歸其履歷之詳載在郡志可考而知也余嘗訪  
其子孫則湮沒無聞焉故邇來吾松藝苑之士  
鮮有知叟者可慨也其集舊刻於祥澤張氏歲  
久不傳弘治中陸儼山先生於京師購得寫本  
已多朽爛復加詮次乞序於何李二公僅十之  
六七耳二公驚嘆以叟為 國初詩人之冠夫  
何李 當代名家高視海內今其言若此則吳



中四傑當出其下矣及讀其集樂府古詩直窺漢魏近體歌行專主於杜而出入盛唐諸家其辭多悲歌慷慨者實本於憂亂憫世之情亦其時之所遭也何李之言不虛哉今春暇日與紫岡董君論及叟詩董君出余師西谷張公家藏祥澤舊刻即叟所自編者喜出意外因取活字板校印百部傳之同好數十年後倘此本有存則叟之名因以不墜而吾松文獻亦庶幾有徵哉  
隆慶庚午五月望後學何玄之書

書袁海叟詩集後

吾郡袁景文先生以詩鳴國初所著有海叟集因白燕詩膾炙人口人人稱為袁白燕然未有當代名德為之表揚其詩者蓋百餘年而吾邑陸文裕公為吉士時携示李何兩先生兩先生各為叙論頗極推許而叟之詩始重又五十餘年而郡人何又玄以活字板印之而叟之詩始行又五十餘年而吾弟赫翹氏以刑部大夫出守三衢化洽民孚凝香多暇乃手訂叟集授之



梓人而叟之詩遂日星于區寓吾是以知詩文  
之傳世顯晦有時而吾弟表章先哲之意致可  
尚也抑余讀何元朗四友齋叢說得表潛翁事  
烏潛翁名介字可潛海叟父也元末嘗為郡史  
其詩有檢田吏一篇元朗謂其質直似木蘭詞  
有關時事似少陵石壕香山諷諭由今讀之誠  
傑然有古作者風而郡志不載其人檢田一篇  
之外亦絕無著述可見是不可以無傳也余因  
閱叟集而脩錄之令毋泯泯且以見叟之詩學

淵源有所自云其詞曰有一老翁初病起破衲  
襤褸瘦如鬼曉來扶向官道僞哀告行人乞錢  
米時余捧檄離江城邂逅一見憐其貧倒囊贈  
與五升米試問何故為貧民老翁荅言聽我語  
我是東鄉李千五家貧無本為經商只種官田  
三十畝延祐七年三月初賣衣買得犂與鋤朝  
耕暮耘受辛苦要還私債與官租誰知六月與  
七月雨既絕無潮又竭欲求一點半點雨不啻  
農夫眼中血滔滔黃浦如溝渠田家爭水如爭

珠數車相接接不到稻田一旦成沙塗官司八月受灾狀我恐徵糧吃官棒相隨隣里去告灾十石秋糧望全放當年隔岍分吉凶高田盡荒低田豐縣官不見高田旱將謂亦與低田同文字下鄉如火速勒我将田都首伏只因嗔我不肯首盡把我田批作熟太平九月早開倉主首貧乏無可償男名阿孫女阿惜逼我嫁賣賠官糧阿孫賣與運糧戶即目不知在何處可憐阿惜猶未笄嫁向湖州山裏去我今年紀七十奇

飢無口食寒無衣東求西乞度殘喘無由早向黃泉歸旋言投拭顯邊淚予亦羞慚汗沾背老翁老翁勿復言我是今年檢田吏元朗名良俊官翰林孔目著有何翰林集何氏語林及叢說等書又玄名玄之元朗子也併附著之萬曆庚戌春三月張所敬長輿書于潛王齋

